

菩薩諸天諸阿須倫諸龍鬼神諸人民皆大

歡欣為佛作禮而去

辨十

道行般若波羅蜜經卷第十

吳江縣文詠御後江溪張稅院捨田二十四畝歲收花

利一力刊造大藏道行般若波羅蜜經一部十卷永

遠流通待彼願心

日

謹題

小品經序

釋僧叡撰

潛一

般若波羅蜜經者窮理盡性之格言菩薩成佛之引軌也軌不引則不足以寡群異指其歸性不盡則物何以登道場成正覺正覺之所以成群異之所以一何莫由斯道也是以

累教懇勸三撫以之頻發功德疊校九增以之屢至如問相標玄而玄其玄幻品忘寄而忘其忘道行坦其津難問窮其源隨喜忘趣以要終照明不化以即玄章雖三十貫之者道言雖十萬倍之者行行凝然後無生道足然後補處乃此而變一切習也法華鏡本以

凝照般若冥未以解懸解懸理趣菩薩道也凝照鏡本告其終也終而不泯則歸途扶踈有三寶之跡權應不爽則亂緒紛綸有惑趣之異是以法華般若相待以期終方便實化冥一以俟盡論其窮理盡性夷明万行則實不如照取其大明真化解本無三則照不如

實是故歎深則般若之功重美實則法華之用微此經之尊三撫三囑未足惑也有秦太子者寓跡儲宮擬韻區外翫味斯經夢想增至准悟大品深知譯者之失會聞鳩摩羅法師神授其文真本猶存以知始十年二月六日請今出之至四月三十日校正都訖考之

舊譯真若荒田之稼芸過其半未詎多也斯經正文凡有四種是佛異時適化廣略之說也其多者云有十萬偈少者六百偈此之大品乃是天竺之中品也隨宜之言復何必計其多少議其煩簡耶胡文雅質案本譯之於麗巧不足撲正有餘矣幸異文悟之賢略其華而幾其實也

小品般若經卷第一

潛一

姚秦三歲鳩摩羅什譯

小品般若波羅蜜經初品第一

如是我聞一時佛在王舍城耆闍崛山中與大比丘僧千二百五十人俱皆是阿羅漢諸

漏已盡如調象王所作已辦捨於重擔遠得已利盡諸有結正智解脫心得自在唯除阿難尔時佛告須菩提汝樂說者為諸菩薩說所應成就般若波羅蜜舍利弗即作是念須菩提自以力說為承佛神力須菩提知舍利弗心所念語舍利弗言佛諸弟子敢有所說

皆是佛力所以者何佛所說法於中學者能證諸法相證已有所言說皆與法相不相違背以法相力故尔時須菩提白佛言世尊佛使我為諸菩薩說所應成就般若波羅蜜世尊所言菩薩菩薩者何等法義是菩薩我不見有法名為菩薩世尊我不見菩薩不得菩薩亦不見不得般若波羅蜜當教何等菩薩般若波羅蜜若菩薩聞作是說不驚不怖不沒不退如所說行是名教菩薩般若波羅蜜復次世尊菩薩行般若波羅蜜時應如是學不念是菩薩心所以者何是心非心心相本淨故尔時舍利弗語須菩提有此非心心不

須菩提語舍利弗非心心可得若有若無不
 舍利弗言不也須菩提語舍利弗若非心心
 不可得有無者應作是言有心無心耶舍利
 弗言何法為非心須菩提言不壞不分別菩
 薩聞作是說不驚不怖不沒不退當知是菩
 薩不離般若波羅蜜行若善男子善女人欲

學聲聞地當聞是般若波羅蜜受持讀誦如
 說修行欲學辟支佛地當聞是般若波羅蜜
 受持讀誦如說修行欲學菩薩地亦當聞是
 般若波羅蜜受持讀誦如說修行所以者何
 般若波羅蜜中廣說菩薩所應學法須菩提
 白佛言世尊我不得見菩薩當教何等菩
 薩元

薩般若波羅蜜世尊我不見菩薩法來去而
 與菩薩作字言是菩薩我則疑悔世尊又菩
 薩字無決定無任處所以者何是字無所有
 故無所有亦無定無處若菩薩聞是事不驚
 不怖不沒不退當知是菩薩畢竟住不退轉
 地住無所住復次世尊菩薩行般若波羅蜜

時不應色中住不應受想行識中住何以故
 若住色中為作色行若住受想行識中為作
 識行若行作法則不能受般若波羅蜜不能
 習般若波羅蜜不具足般若波羅蜜則不能
 成就薩婆若何以故色無受想受想行識無
 受想若色無受則非色受想行識無受則非

識般若波羅蜜亦無受菩薩應如是學行般
 若波羅蜜是名菩薩諸法無受三昧廣大無
 量無定一切聲聞辟支佛所不能壞何以故
 量三昧不可以相得若是三昧可以相得先
 足梵志於薩婆若智不應生信先足梵志以
 有量智入是法中入已不受色不受受想行

識是梵志不以得聞見是智不以內色見是
 智不以外色見是智不以內外色見是智亦
 不離內外色見是智不以內受想行識見是
 智不以外受想行識見是智不以內外受想
 行識見是智亦不離內外受想行識見是智
 先足梵志信解薩婆若智以得諸法實相故

得解脫得解脫已於諸法中無取無捨乃至
涅槃亦無取無捨世尊是名菩薩般若波羅
蜜不受色不受受想行識雖不受色不受受
想行識未具足佛十力四無所畏十八不共
法終不中道而般涅槃復次世尊菩薩行般
若波羅蜜應如是思惟何等是般若波羅蜜

是誰般若波羅蜜若法不可得是般若波羅
蜜耶若菩薩作是思惟觀時不驚不畏不怖
不沒不退當知是菩薩不離般若波羅蜜行
尔時舍利弗語須菩提若色離色性受想行
識離識性般若波羅蜜離般若波羅蜜性者
何故說菩薩不離般若波羅蜜行須菩提言
小品若一

如是舍利弗色離色性受想行識離識性般
若波羅蜜離般若波羅蜜性是法皆離自性
性相亦離舍利弗言若菩薩於是中學能成
就薩婆若耶須菩提言如是舍利弗菩薩如
是學者能成就薩婆若所以者何一切法無
生無成就故若菩薩如是行者則近薩婆若

尔時須菩提語舍利弗言菩薩若行色行為
行相若生色行為行相若滅色行為行相若
離色行為行相若空色行為行相成行是行
亦是行相若行受想行識行為行相若生識
行為行相若滅識行為行相若壞識行為行
相若空識行為行相我行是行亦是行相若

作是念能如是行者是行般若波羅蜜亦是
行相當知是菩薩未善知方便舍利弗語須
菩提今菩薩云何行名為行般若波羅蜜須
菩提言若菩薩不行色不行色生不行色滅
不行色壞不行色空不行受想行識不行識
生不行識滅不行識壞不行識空是名行般

若波羅蜜不念行般若波羅蜜不念不行不
念行不行亦不念非行非不行是名行般若
波羅蜜所以者何一切法無受故是名菩薩
諸法無受三昧廣大無量無定一切聲聞辟
支佛所不能壞菩薩行是三昧疾得阿耨多
羅三藐三菩提須菩提承佛威神而作是言
小品若一

若菩薩行是三昧不念不分別是三昧我當入是三昧我今入我已入無如是分別當知是菩薩已從諸佛得受阿耨多羅三藐三菩提記舍利弗語須菩提菩薩所行三昧得從諸佛受阿耨多羅三藐三菩提記是三昧可得示不須菩提言不也舍利弗何以故善男子

子不分別是三昧所以者何三昧性無所有故佛讚須菩提言善哉善哉我說汝於無諍三昧人中最為第一如我所說菩薩應如是學般若波羅蜜若如是學者是名學般若波羅蜜舍利弗白佛言世尊菩薩如是學為學何法佛告舍利弗菩薩如是學於法無所學

何以故舍利弗是諸法不爾如凡夫所著舍利弗白佛言世尊今云何有佛言如無所有如是有如是諸法無所有故名無明凡夫分別無明貪着無明墮於二邊不知不見於無法中憶想分別貪着名色因貪着故於無所有法不知不見不出不信不住是故墮在

凡夫貪着數中舍利弗白佛言世尊菩薩如是學亦不學薩婆若佛告舍利弗菩薩如是學亦不學薩婆若如是學亦名學薩婆若成就薩婆若須菩提白佛言世尊若有問幻人學薩婆若當成就薩婆若不世尊我當云何答須菩提我還問汝隨汝意答於意云何幻

異色色異幻幻異受想行識耶須菩提言幻不異色色不異幻幻即是色色即是幻幻不異受想行識識不異幻幻即是識識即是幻須菩提於意云何五受陰名為菩薩不如是世尊佛告須菩提菩薩學阿耨多羅三藐三菩提當如幻人學何以故當知五陰即是幻

所以者何說色如幻說受想行識如幻識是六情五陰世尊新發意菩薩聞是說者將無驚怖退沒耶佛告須菩提若新發意菩薩隨惡知識則驚怖退沒若隨善知識聞是說者則不驚怖退沒須菩提言世尊何等是菩薩惡知識佛言教令遠離般若波羅蜜使不樂

佛

六

七

菩提又教令學取相分別嚴飾文頌又教學
雜聲聞辟支佛經法又與作魔事因緣是名
菩薩惡知識世尊何等為菩薩善知識若教
令學般若波羅蜜為說魔事說魔過惡令知
魔事魔過惡已教令遠離須菩提是名發大
乘心大莊嚴菩薩摩訶薩善知識須菩提白

佛言世尊所言菩薩菩薩有何義佛告須菩
提為學一切法無障礙亦知實知一切法是
名菩薩義須菩提白佛言世尊若知一切法
名為菩薩義復以何義名為摩訶薩佛言當
為大眾作上首名為摩訶薩義舍利弗白佛
言世尊我亦樂說所以為摩訶薩義佛言樂

說便說舍利弗白佛言世尊菩薩為斷我見
衆生見壽者見人見有見無見斷見常見等
而為說法是名摩訶薩義於是中心無所著
亦名摩訶薩義舍利弗問須菩提何故於是
中心無所著須菩提言無心故於是中心無
所著富樓那彌多羅尼子白佛言世尊菩薩

發大莊嚴乘大乘故是名摩訶薩義須菩提
白佛言世尊所言菩薩發大莊嚴云何名為
發大莊嚴佛言菩薩作是念我應度無量阿
僧祇衆生度衆生已無有衆生滅度者何以
故諸法相亦譬如工幻師於四衢道化作大
衆悉斷化人頭於意云何寧有傷有死者不
須菩提言不也世尊佛言菩薩亦如是度無
量阿僧祇衆生已無有衆生滅度者若菩薩
聞是事不驚不怖當知是菩薩發大莊嚴須
菩提言如我解佛所說義當知是菩薩發大
莊嚴而自莊嚴何以故薩婆若是不作不起
法為衆生故發大莊嚴是衆生亦是不作不

起法何以故色無縛無解受想行識無縛無
解故富樓那語須菩提色無縛無解受想行
識無縛無解耶須菩提言色無縛無解受想
行識無縛無解富樓那言何等色無縛無解
何等受想行識無縛無解須菩提言幻人色
是無縛無解幻人受想行識是無縛無解無

所有故無縛無解離故無縛無解無生故無縛無解是名菩薩摩訶薩發大莊嚴而自莊嚴須菩提白佛言世尊云何為大乘云何為菩薩發趣大乘是乘住何處是乘從何處出佛告須菩提大乘者無有量無分數故是乘從何處出住何處者是乘從三界出住薩婆

若無乘是乘出者何以故出法出者俱無所有何法當出須菩提白佛言世尊所言摩訶衍摩訶衍者勝出一切世間天人阿修羅世尊摩訶衍與虛空等如虛空受無量阿僧祇衆生摩訶衍亦如是受無量阿僧祇衆生是摩訶衍如虛空無來處無去處無住處摩訶

衍亦如是不得前際不得中際不得後際是乘三世等是故名為摩訶衍佛讚須菩提言善哉善哉諸菩薩摩訶薩摩訶衍應如汝所說今時富樓那彌多羅尼子白佛言世尊佛使須菩提說般若波羅蜜乃說摩訶衍須菩提白佛言世尊我所說將無離般若波羅蜜

耶不也須菩提汝所說隨順般若波羅蜜世尊我不得過去世菩薩亦不得未來現在世菩薩色無邊故菩薩亦無邊受想行識無邊故菩薩亦無邊世尊如是一切處一切時一切種菩薩不可得當教何等菩薩般若波羅蜜我不得不見菩薩當教何法入般若波羅

濟

小品者一

八

元

蜜世尊所言菩薩菩薩者但有名字譬如所說我我法畢竟不生世尊一切法性亦如是此中何等是色不着不生何等是受想行識不着不生色是菩薩不可得受想行識是菩薩不可得不可得亦不可得世尊一切處一切時一切種菩薩不可得當教何法入般若

波羅蜜世尊菩薩但有名字如我畢竟不生諸法性亦如是此中何等是色不着不生何等是受想行識不着不生諸法性如是是性亦不生不生亦不生世尊我今當教不生法入般若波羅蜜耶何以故離不生法不可得菩薩行阿耨多羅三藐三菩提若菩薩聞作

是說不驚不怖當知是菩薩行般若波羅蜜
世尊菩薩隨行般若波羅蜜時作是觀諸法
即不受色何以故色無生即非色色無滅即
非色無生無滅無二無別若說是色即是無
二法菩薩行般若波羅蜜時不受受想行識
何以故識無生即非識識無滅即非識無生

無滅無二無別若說識即是無二法舍利弗
問須菩提如我解須菩提所說義菩薩即是
無生若菩薩無生何以故有難行為衆生故
受苦惱須菩提言我不欲使菩薩有難行何
以故生難行想苦行想不能利益無量阿僧
祇衆生於衆生生易想樂想父母想子想我
元

所想則能利益無量阿僧祇衆生如我法一
切處一切時一切種不可得菩薩於內外法
中應生如是想若菩薩以如是心行亦名難
行如舍利弗所言菩薩無生如是舍利弗菩
薩實無生舍利弗言但菩薩無生薩婆若亦
無生須菩提言薩婆若亦無生舍利弗言薩

婆若無生凡夫亦無生須菩提言凡夫亦無
生舍利弗語須菩提若菩薩無生菩薩法亦
無生薩婆若無生薩婆若法亦無生凡夫無
生凡夫法亦無生今以無生得無生菩薩應
得薩婆若須菩提言我不欲令無生法有所
得何以故無生法不可得故舍利弗言生生

無生生汝所言所樂說為生為無生須菩提
言諸法無生所言無生樂說亦無生如是樂
說舍利弗言善哉善哉須菩提汝於說法人
中為最第一何以故須菩提隨所問皆能答
故須菩提言法應亦諸佛弟子於無依止法
所問能答何以故一切法無定故舍利弗言

善哉善哉是何波羅蜜力須菩提言是般若
波羅蜜力舍利弗若菩薩聞如是說如是論
時不疑不悔不難當知是菩薩行是行不離
是念舍利弗言若菩薩不離是行不離是念
一切衆生亦不離是行不離是念一切衆生
亦當是菩薩何以故一切衆生不離是念故

須菩提言善哉善哉舍利弗汝欲難我而成我義所以者何衆生無性故當知念亦無性衆生離故念亦離衆生不可得故念亦不可得舍利弗我欲令菩薩以是念行般若波羅蜜小品般若波羅蜜經釋提桓因品第二

爾時釋提桓因與四万天子俱在會中四天王與二万天子俱在會中娑婆世界主梵天王與万梵天俱在會中乃至淨居天衆無數千種俱在會中是諸天衆業報光明以佛身神力光明故皆不復現爾時釋提桓因語須菩提言是諸無數天衆皆共集會欲聽須菩提說般若波羅蜜義菩薩云何住般若波羅

小品若一

十

元

蜜須菩提語釋提桓因及諸天衆憍尸迦我今當承佛神力說般若波羅蜜若諸天子未發阿耨多羅三藐三菩提心者今應當發若人已入正位則不堪任發阿耨多羅三藐三菩提心何以故已於生死作障隔故是人若發阿耨多羅三藐三菩提心我亦隨喜終不

斷其功德所以者何上人應求上法爾時佛讚須菩提言善哉善哉汝能如是勸樂諸菩薩須菩提言世尊我當報佛恩如過去諸佛及諸弟子教如來住空法中亦教學諸波羅蜜如來學是法得阿耨多羅三藐三菩提世尊我今亦當如是護念諸菩薩以我護念因

緣故諸菩薩當疾得阿耨多羅三藐三菩提須菩提語釋提桓因言憍尸迦汝一心聽菩薩住般若波羅蜜憍尸迦菩薩發大莊嚴乘於大乘以空法住般若波羅蜜不應住色不應住受想行識不應住色若常若無常不應住受想行識若常若無常不應住色若苦若

樂不應住受想行識若苦若樂不應住色若淨若不淨不應住受想行識若淨若不淨不應住色若我若無我不應住受想行識若我若無我不應住色若空若不空不應住受想行識若空若不空不應住須陀洹果不應住斯陀含果不應住阿那含果不應住阿羅漢

釋

小品若一

十一

元

果不應住辟支佛道不應住佛法不應住須
陀洹無爲果不應住須陀洹福田不應住須
陀洹乃至七往來生死不應住斯陀含無爲
果不應住斯陀含福田不應住斯陀含一來
此間當得盡苦不應住阿那含無爲果不應
住阿那含福田不應住阿那含彼間滅度不

應住阿羅漢無爲果不應住阿羅漢福田不
應住阿羅漢今世入無餘涅槃不應住辟支
佛道無爲果不應住辟支佛福田不應住辟
支佛過聲聞地不及佛地而般涅槃不應住
佛法利益無量衆生滅度無量衆生亦時舍
利弗作是念菩薩當云何住須菩提知舍利

弗心所念語舍利弗於意云何如來爲住何
處舍利弗言如來無所住無住心名爲如來
如來不住有爲性亦不住無爲性舍利弗菩
薩摩訶薩亦應如是住如來住於一切法
非住非不住亦時衆中有諸天子作是念諸
夜叉衆語言章句尚可知義須菩提所說所

論難可得解須菩提知諸天子心所念語諸
天子言是中無說無示無聽諸天子作是念
須菩提欲令此義易解而轉深妙須菩提知
諸天子心所念語諸天子言若行者欲證須
陀洹果欲住須陀洹果不離是忍欲證斯陀
含果阿那含果阿羅漢果欲證辟支佛道欲

證佛法亦不離是忍亦時諸天子作是念何
等人能隨順聽須菩提所說須菩提知諸天
子心所念語諸天子言幻人能隨順聽我所
說而無聽無證諸天子作是念但聽者如幻
衆生亦如幻須陀洹果乃至辟支佛道亦如
幻須菩提知諸天子心所念語諸天子言我

說衆生如幻如夢須陀洹果亦如幻如夢斯
陀含果阿那含果阿羅漢果辟支佛道亦如
幻如夢諸天子言須菩提亦說佛法如幻如
夢須菩提言我說佛法亦如幻如夢我說涅
槃亦如幻如夢諸天子言大德須菩提亦說
涅槃如幻如夢耶須菩提言諸天子設復有
十一

時

小品若一

十一

元

法過於涅槃我亦說如幻如夢諸天子幻夢
涅槃無二無別尔時舍利弗富樓那弥多羅
居士摩訶拘締羅摩訶迦旃延問須菩提如
是說般若波羅蜜義誰能受者時阿難言如
是說般若波羅蜜義阿毗跋致致菩薩具足正
見者滿願阿羅漢是等能受須菩提言如是

說般若波羅蜜義無能受者所以者何此般
若波羅蜜中無法可說無法可示以是義故
無能受者尔時釋提桓因作是念長老須菩
提為雨法雨我寧可化作華散須菩提上釋
提桓因即化作華散須菩提上須菩提作是
念釋提桓因今所散華我於忉利天上所未

曾見是華從心樹出不從樹生釋提桓因知
須菩提心所念語須菩提言是華非生華亦
非心樹生須菩提語釋提桓因言憍尸迦汝
言是華非生華亦非心樹生若非生法不名
為華釋提桓因作是念長老須菩提智慧甚
深不壞假名而說實義念已語須菩提言如

是如是須菩提如須菩提所說菩薩應如是
學菩薩如是學者不學須陀洹果斯陀含果
阿那含果阿羅漢果辟支佛道若不學是地
是名學佛法學薩婆若若學佛法學薩婆若
則學無量無邊佛法若學無量無邊佛法者
不為增減色學不為增減受想行識學不為

增

十三

元

受色學不為受受想行識學是人於法無所
取無所滅故學舍利弗語須菩提行者不為
取薩婆若不為滅薩婆若故學須菩提言如
是如是舍利弗菩薩乃至薩婆若不取不滅
故學如是觀時能學薩婆若能成就薩婆若
尔時釋提桓因語舍利弗菩薩摩訶薩般若

波羅蜜當於何求舍利弗言般若波羅蜜當
於須菩提所轉中求釋提桓因語須菩提是
誰神力須菩提言是佛神力憍尸迦如所問
般若波羅蜜當於何求般若波羅蜜不應色
中求不應受想行識中求亦不離色求亦不
離受想行識求何以故色非般若波羅蜜離

色亦非般若波羅蜜受想行識非般若波羅蜜離受想行識亦非般若波羅蜜釋提桓因言摩訶波羅蜜是般若波羅蜜無量波羅蜜是般若波羅蜜無邊波羅蜜是般若波羅蜜須菩提言如是如是憍尸迦摩訶波羅蜜是般若波羅蜜無量波羅蜜是般若波羅蜜無邊波羅蜜是般若波羅蜜無

邊波羅蜜是般若波羅蜜憍尸迦色無量故般若波羅蜜無量受想行識無量故般若波羅蜜無量緣無邊故般若波羅蜜無邊衆生無邊故般若波羅蜜無邊憍尸迦云何緣無邊故般若波羅蜜無邊諸法無前無中無後是故緣無邊般若波羅蜜無邊復次憍尸迦

諸法無邊前際不可得中際後際不可得是故緣無邊般若波羅蜜無邊釋提桓因言長老須菩提云何衆生無邊般若波羅蜜無邊憍尸迦衆生無量算數不可得邊是故衆生無邊般若波羅蜜無邊釋提桓因言大德須菩提衆生有何義須菩提言衆生義即是法

義於意云何所言衆生衆生有何義釋提桓因言衆生非法義亦非非法義但有假名是名字無本無因強爲立名名爲衆生須菩提言於意云何此中實有衆生可說可示不可也須菩提言憍尸迦若衆生不可說不可示云何言衆生無邊般若波羅蜜無邊憍尸迦

若如來住壽如恒河沙劫說言衆生衆生實有衆生生滅不釋提桓因言不也何以故衆生從本已來常清淨故憍尸迦是故當知衆生無邊般若波羅蜜無邊

小品般若波羅蜜經卷第一

潛一

音釋

廠羊歲反軌俱水反屢力句反標必苗反凝然上魚反泯靡忍反緒音富儲音宮宮除上音詎音巨撲蒲角反拘締羅下五知反骨建安葉元刊

大宋國平江府吳江縣文詠鄉念禿都後屯溪居住奉三寶弟子張璠所伸情旨謹發誠心將苗田壹拾肆畝拾入磧砂延聖院大藏經局收花利先開

小品般若經壹部拾卷所捨其田永遠助局開經集茲

功德先伸追悼

亡妻孺人錢氏五十五娘子然後普為法界在迷眾生俱集般若之舟航同證菩提之彼岸

溥祐元年六月 日奉三寶弟張璿

謹題

幹開經僧 可暉 善成 可開 法澄 法昇 志圓 募緣

小品般若波羅蜜經卷第二

潛二

姚秦三歲鳩摩羅什 譯

小品般若波羅蜜經寶塔品第三

尔時釋提桓因梵天王自在天王及眾生主諸天女等皆大歡喜同時三唱快哉快哉佛出世故須菩提乃能演說是法尔時諸天大

眾俱白佛言世尊若菩薩能不離般若波羅蜜行當視是人如佛佛告諸天子如是如是昔我於眾華城然燈佛所不離般若波羅蜜行時然燈佛記我於來世過阿僧祇劫當得作佛号釋迦牟尼如來應供正遍知明行足善逝世間解無上士調御丈夫天人師佛世

尊諸天子白佛言希有世尊諸菩薩摩訶薩般若波羅蜜能攝取薩婆若佛因釋提桓因告欲色界諸天子及四眾比丘比丘尼優婆塞優婆夷等憍尸迦若有善男子善女人能受持讀誦般若波羅蜜如所說行魔若魔天人若非人不得其便終不橫死善男子善女人受持讀誦般若波羅蜜故切利諸天子發阿耨多羅三藐三菩提心未受持讀誦般若波羅蜜者來至其所復次憍尸迦善男子善女人受持讀誦般若波羅蜜時若在空中舍若在道路若或失道無有恐怖尔時四天王白佛言世尊若善男子善女人受持讀誦般若波羅蜜如所說行我等皆當護念釋提桓因白佛言世尊若善男子善女人受持讀誦般若波羅蜜如所說行我等亦當護念梵天俱白佛言世尊若善男子善女人受持讀誦般若波羅蜜如所說行我等亦當護念釋提桓因白佛言希有世尊善男子善女人